

Službene novine Federacije BiH, broj 73/21

Na osnovu čl. 36. i 37. Zakona o izvršavanju Budžeta Federacije Bosne i Hercegovine za 2021. godinu ("Službene novine Federacije BiH", br. 4/21 i 48/21), na prijedlog federalnog ministra okoliša i turizma, Vlada Federacije Bosne i Hercegovine, na 280. sjednici, održanoj 09.09.2021. godine, donosi

ODLUKU

O USVAJANJU PROGRAMA UTROŠKA SREDSTAVA SA KRITERIJIMA RASPODJELE SREDSTAVA "TEKUĆI TRANSFERI DRUGIM NIVOIMA VLASTI I FONDOVIMA - TRANSFER ZA RAZVOJ TURIZMA U FEDERACIJI BiH", UTVRĐENOG BUDŽETOM FEDERACIJE BOSNE I HERCEGOVINE ZA 2021. GODINU FEDERALNOM MINISTARSTVU OKOLIŠA I TURIZMA

I.

Usvaja se Program utroška sredstava sa kriterijima raspodjele sredstava "Tekući transferi drugim nivoima vlasti i fondovima - Transfer za razvoj turizma u Federaciji BiH" utvrđenih u razdjelu 61. Budžeta Federacije BiH za 2021. godinu ("Službene novine Federacije BiH", broj 4/21), ekonomski kod 614100.

II.

Budžetom Federacije Bosne i Hercegovine za 2021. godinu sredstva iz tačke I. ove odluke utvrđena su u ukupnom iznosu od 500.000,00 KM (slovima: petstotinhiljada konvertibilnih maraka).

III.

Sredstva iz tačke II. ove odluke odnose se na program: "Unapređenje i povećanje privlačnosti Federacije BiH kao prepoznatljive turističke destinacije" koji ima za cilj ublažiti posljedice COVID-19 na sektor turizma kreiranjem, razvojem i realizacijom marketinške kampanje destinacija koristeći ciljane sadržaje.

CILJEVI PROGRAMA:

1. *Specifični* - Razviti marketinšku kampanju koja će predstaviti Federaciju BiH kao atraktivnu turističku destinaciju;
2. *Mjerljivi* - Broj dolazaka turista u odnosu na 2020. godinu;
3. *Ostvarivi* - Sufinansiranje podržane aktivnosti od sredstava Ministarstva realizirano u ugovorenom roku.

Opći ciljevi ovog programa, utvrđeni su i u Taktičkom planu oporavka turizma, a razrađeni potpisanim Memorandumom o razumijevanju između USAID-a u BiH i Federalnog ministarstva okoliša i turizma:

- Umanjiti ekonomski uticaj pandemije COVID-19 na sektor turizma kroz marketinške aktivnosti u cilju povećanja dolazaka i potrošnje turista;
- Povećati svijest o Bosni i Hercegovini kao o prepoznatljivoj destinaciji na međunarodnim tržištima sa posebnim osvrtom na atrakcije i raspoložive resurse karakteristične za Federaciju BiH i njene privredne subjekte;
- Poboljšati pozicioniranje Bosne i Hercegovine kao turističke destinacije na međunarodnim tržištima kako bi se potakli dolasci turista u Federaciju BiH.

KORISNIK SREDSTAVA:

Privredna komora Federacije BiH.

KRITERIJI ZA RASPODJELU SREDSTAVA:

Kriterije za raspodjelu sredstava utvrditi će Privredna komora Federacije BiH u skladu sa specifičnim i općim ciljevima Programa.

IV.

Sredstva iz tačke III. ove odluke dodijelit će se Privrednoj komori Federacije BiH u skladu sa odredbama ove odluke i na osnovu sklopljenog ugovora sa Federalnim ministarstvom okoliša i turizma o međusobnim pravima i obavezama.

Rokovi izvještavanja o utrošku odobrenih sredstava biti će precizirani ugovorom između Federalnog ministarstva okoliša i turizma i korisnika sredstava.

V.

Za realizaciju ove odluke zadužuje se Federalno ministarstvo finansija - financija, Federalno ministarstvo okoliša i turizma i Privredna komora Federacije BiH, svako u okviru svojih nadležnosti.

VI.

Federalno ministarstvo okoliša i turizma će izvještaj o utrošenim sredstvima dostaviti Federalnom ministarstvu finansija u skladu sa Zakonom o izvršavanju Budžeta Federacije Bosne i Hercegovine za 2021. godinu ("Službene novine Federacije BiH", br. 4/21 i 48/21).

VII.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 1392/2021
09. septembra 2021. godine
Sarajevo

Premijer
Fadil Novalić, s. r.